



REPUBLIKA E SHQIPËRISË

MINISTRIA E FINANCAVE DHE EKONOMISË
DREJTORIA E PËRGJITHSHME E DOGANAVE
DEGA E DOGANËS VLORË

Vlorë, më 24/10/2023

Nr. 3309 Prot.

Lënda : *Kërkesë për Shpallje Publike të aktit administrativ (Vendimi i Sekuestros)*

PREFEKTIT TË QARKUT - FIER

Duke vlerësuar me kënaqësi bashkëpunimin e deritanishëm ndërmjet institucioneve tona, në bashkërendimin e veprimeve për zgjidhjen e problemeve të dyanëshme, si dhe me synimin e përmbushjes së misioneve tona të ngarkuara nga Ligji, e shohim të domosdoshëm forcimin e mëtejshëm të këtij bashkëpunimi, pasi nga ana jonë konstatohet se në shume raste nëpërmjet Tij, është mundësuar shlyerja e borxhit doganor.

Në respektim të Ligjit Nr.102, datë 31.07.2014 “Kodi Doganor i Republikës së Shqipërisë”, neni 48/4 i Tij “Bashkëpunimi ndërmjet autoriteteve” - “*Institucionet publike dhe strukturat e Policisë së Shtetit ndihmojnë autoritetet doganore sa herë që këto të fundit kërkojnë ndihmën e tyre për zbatimin e legjislacionit doganor, në përputhje me funksionet dhe kompetencat e tyre*”, në zbatim të Ligjit Nr.8116, datë 29.03.1996 “Kodi i Procedurës Civile”, neni 131 i Tij “*Kur nuk është i mundur njoftimi sipas dispozitave të mësipërme, njoftimi bëhet në vendbanimin apo vendqëndrimin e marrësit ose në zyrën apo vendin ku ushtron veprimtarinë tregtare, industriale...*”, nenit 162/2 të Ligjit Nr.44/2015 “Kodi i Procedurave Administrative i Republikës së Shqipërisë” - “*Njoftimi publik bëhet nëpërmjet shpalljes së shkresës në një kënd të posaçëm për njoftimet në selinë e organit dhe në degët ose në zyrat e tij vendore, në prefekturën apo në një vend tjetër dhe ku mendohet se mund të merret dijeni nga ai/ajo, të cilit i drejtohet*”, si dhe në zbatim të Udhëzimit Nr. 15, datë 03.12.2018 të Drejtorisë së Përgjithshme të Doganave Tiranë, “Mbi evidentimin, kontabilizimin dhe rikuperimin e detyrimeve të papaguara doganore dhe të akcizës”, pika VI.3.b e Tij, “*Kur nuk gjendet adresa apo nuk dihet*

vendndodhja e subjektit debitor, apo ky i fundit nuk gjendet me adresën e kërkuar, njoftimi mund të bëhet edhe përmes lajmërimit publik. Këto njoftime do të vihen në stendën e krijuar posaçërisht për njoftim....si dhe në vende publike si në Bashki, Njësi Administrative, në gazetën e pushtetit vendor, në internet dhe me mjete të tjera audiovizive etj. Në këto raste pas kalimit të një periudhe 30 ditore, subjekti debitor konsiderohet i njoftuar”. kërkojmë nga ana Juaj :

♦ **“Shpalljen Publike”** për një periudhë kohore jo më pak se 10 (Dhjetë) ditë të një akti administrativ – Vendimi për rikuperimin me forcë të detyrimeve doganore si vijon :

• Nr.3262 Prot., datë 19/10/2023, i materializuar për subjektin “RAFAEL SHOES” sh.p.k me NIPT L.93102401C, me seli në Fier (Lagjja “Afrim”, Rruga “Afrim i Ri”, z. K 8534, Pasuria nr 15/64), me administrator z.Flori Rushi.

Bashkëngjitur, gjeni kopje të aktit të lartcitur - gjithsej 2 (dy) fletë.

Jemi në pritje të *konfirmimit* nga ana Juaj për datën e shpalljes publike të aktit të lartpërmendur.

Duke Ju falenderuar për bashkëpunimin,

KRYETAR
Artan Bedinaj





REPUBLIKA E SHQIPËRISË

MINISTRIA E FINANCAVE DHE EKONOMISË
DREJTORIA E PËRGJITHSHME E DOGANAVE
DEGA E DOGANËS VLORË

Nr. 3762 Prot.

Vlorë, më 17/10/2023

VENDIM

“Për Rikuperimin me Forcë të Detyrimeve Doganore që debitori, subjekti “RAFAEL SHOES” sh.p.k me NIPT L93102401C, me seli në Fier, ka ndaj Degës së Doganës Vlorë”

Dega e Doganës Vlorë, me Vendimin e saj Nr.65, me Nr.2584/1 Prot., datë 24/08/2023, ka vendosur kontabilizimin e detyrimit doganor në shumën 31.100 (Tridhjetë e një mijë e njëqind) lekë, për deklaratën doganore IMP. 5 me numër R 8128, datë 21/06/2021, në zbatim të nenit 250/4 të Kodit Doganor, si dhe penalitetin në shumën 50,000 (Pesëdhjetë mijë) lekë, bazuar në nenin 257/1/b të Kodit Doganor, në zbatim të nenit 257/1/b të Ligjit nr.102/2014 “Kodi Doganor i Republikës së Shqipërisë” (i ndryshuar), V.K.M nr.651 datë 10.11.2017 “Për dispozitat zbatuese të Kodit Doganor”, ndaj subjektit debitor “RAFAEL SHOES” sh.p.k me NIPT L93102401C, me seli në Fier (Lagjia “Afrim”, Rrugë “Afrim i Ri”, z. K 8534, Pasuria nr 15/64).

Ky Vendim i është njoftuar subjektit debitor “RAFAEL SHOES” sh.p.k me NIPT L93102401C, me anë të Shërbimit Postar me shkresën Nr.2584/2 Prot., datë 28/08/2023, me lëndë Njoftim Vendim Gjithashtu, ky vendim është njoftuar edhe me anë të lajmërimit publik, me shkresat si vijon : Shkresë nr.2937 Prot., datë 22.09.2023 me lëndë “Kërkesë për Shpallje Publike të aktit administrativ (Vendimi i kontabilizimit)” drejtuar Bashkisë Fier, e cila ka konfirmuar kryerjen e lajmërimit publik të kryer më datë 26-09-2023; shkresën nr.2936 Prot., datë 22.09.2023 me lëndë “Kërkesë për Shpallje Publike të aktit administrativ (Vendimi i kontabilizimit)” drejtuar Prefektit të Qarkut Fier, i cili ka konfirmuar kryerjen e lajmërimit publik të kryer më datë 26-09-2023. Gjithashtu, akti administrativ i është njoftuar subjektit edhe me anë të korespondencës elektronike.

Personi juridik debitor “RAFAEL SHOES” sh.p.k me NIPT L93102401C, i njoftuar, megjithëse ka kaluar afati ligjor, nuk është paraqitur për të paguar vullnetarisht detyrimet e përcaktuara në Vendimin Nr. 65, me Nr.2584/1 Prot., datë 24/08/2023, si dhe nuk ka ushtruar ankim administrativ pranë Drejtorisë të Përgjithshme të Doganave në Tiranë, në zbatim të nenit 282 të Kodit Doganor.

Në këto kushte, në zbatim të Vendimit Nr. 65, me Nr.2584/1 Prot., datë 24/08/2023, me qëllim marrjen e masave përkatëse për rikuperimin me forcë të detyrimeve doganore, që Debitori - subjekti "RAFAEL SHOES" sh.p.k me NIPT L93102401C, ka ndaj Degës Doganore Vlorë, bazuar në nenin 280 të Kodit Doganor, nenin 511 e vijues të Kodit të Procedurës Civile si dhe Udhëzimin Nr.15, datë 03.12.2018 të Drejtorisë së Përgjithshme të Doganave Tiranë, "Mbi evidentimin, kontabilizimin dhe rikuperimin e detyrimeve të papaguara doganore dhe të akcizës",

V E N D O S A :

- Të sekuestrohen vlerat monetare, kreditë, sendet me vlerë të çmuar, dokumenta me anë të të cilave bëhet pagesa, valutë e huaj e depozituar në bankë, që i përkasin debitorit, personit juridik - "RAFAEL SHOES" sh.p.k me NIPT L93102401C, personave të tretë, apo garantuesve, që kanë detyrime ndaj debitorit.
- Të sekuestrohen mallrat, pasuritë e tundshme ose të patundshme, që i përkasin debitorit, personit juridik - "RAFAEL SHOES" sh.p.k me NIPT L93102401C, personave të tretë apo garantuesve që kanë detyrime ndaj debitorit.
- Sekuestrimi i mësipërm të kryhet deri në masën, që të bëhet i mundur plotësimi i detyrimeve që debitori, personit juridik - "RAFAEL SHOES" sh.p.k me NIPT L93102401C, i ka Degës së Doganës Vlorë, në shumën totale **81.100** (Tetëdhjet e njëmijë e njëqind) lekë, sipas Vendimit Nr.65, me Nr.2584/ Prot., datë 24/08/2023, të Degës së Doganës Vlorë.

K R Y E T A R

Artan Bedinaj

